

თბილისის სასულიერო აკადემია

შიშს,

მცვიოსკობა და სიყვარული ნიკნის შექმნის
და სიყვარული 16. V - 96

დოგმატურ - ისტორიული
საკითხები

1. მსოფლიო საეკლესიო კრებების მოკლე კურსი

შედგენილი პროფ. ა. ლებედევის ნაშრომის მიხედვით
("Вселенские соборы", т. III-1896 г., т. IV-1904 г.)

2. დოგმატური ღვთისმეტყველების მოკლე კურსი

შედგენილი არქიეპისკოპოს ფილარეტის თხზულების მიხედვით
("Православное догматическое богославие", Сочинение
Филарета, Архиепископа Черниговского. 1882 г.)

შემდგენელი: ბრიგოლ რუსაკი

პეტ. 1,8), მაგრამ მათი მდგომარეობა ზნეობრივი სრულყოფის ხარისხის მიხედვით განსხვავებულია, თუმცა როგორც ნეტ. ავგუსტინე ამბობს, ნეტარებათა შორის განსხვავება არც ერთ წმინდანში შურს არ აღძრავს, რადგან არავინ არ მოისურვებს იმას, რაც ღმერთმა არ მისცა.

ვამთავრებთ რა ღვთის წყალობით "რწმენის . საფუძვლების" გადმოცემას, მას ვის სადიდებლადაც ეს მცირედი შრომა აღესრულა, მაღლობას ვწირავთ და ვევედრებით:

"სამებაო მიუწვდომელო, მომეც მონათა შენთა მართალი აღსაარებაი, რაითა გქადაგოთ ღმერთი სრული სამგუამოვნად თვითებითა შეურევნელად, ბუნებით განუყოფელად, ერთარსებით დიდებულად, და ერთობით ვიტყვიტ ყოველნი: ყოველნი საქმენი უფლისანი აკურთხევდით ღმერთსა ჩუენსა უკუნისამდე". ამინ.

ს ა რ ჩ ე ვ ი

წინათქმა	2
პირველი მსოფლიო საეკლესიო კრება	3
მეორე მსოფლიო საეკლესიო კრება	6
მესამე მსოფლიო საეკლესიო კრება	8
მეოთხე მსოფლიო საეკლესიო კრების წინ	10
მეოთხე მსოფლიო საეკლესიო კრება	13
დოგმატი ჩვენი უფალი იესო ქრისტეს ერთი პირის ორი ბუნების შესახებ	15
მეხუთე მსოფლიო საეკლესიო კრების წინ	16
ა) მოკლე ცნობები მეოთხე მსოფლიო კრების შემდეგ მონოფიზიტობის გავრცელების შესახებ	16
ბ) დავა სამი თავის შესახებ	18
მეხუთე მსოფლიო საეკლესიო კრება	20
მეექვსე მსოფლიო საეკლესიო კრების წინ	22
მეექვსე მსოფლიო საეკლესიო კრება	24
მეშვიდე მსოფლიო საეკლესიო კრების წინ	28
ხატმებრძოლეობის ბატონობა	34
მეშვიდე მსოფლიო საეკლესიო კრება	38
დოგმატური ღვთისმეტყველება შესავალი	42
ღვთის შემეცნება	42
ღვთის არსის თვისებები	43
ღმერთი სამპიროვანია - მამა და ძე და სული წმიდა	45
წმ. სამების საიდუმლოს მითითებანი ძველ აღთქმაში	50
სახარების სწავლება წმ. სამების შესახებ	50
სწავლება წმ. სამების შესახებ მოციქულთა ეპისტოლეებში	51
მამა ღმერთი	51
ძე ღმერთი	52
სულიწმიდა ღმერთი	52
სულიწმიდის საკუთარი თვისება	53
ძე ღმერთისა და მამა ღმერთის საკუთარი თვისება	54
ღვთაებრივ პირთა ერთარსობა	55
ღმერთი - სამყაროს შემოქმედი	56
ღმერთი-შემოქმედი და განმგებელი ანგელოზებისა	57
	58

პეტ. 1,8), მა
მიხედვით გა
ნეტარებათა
აღძრავს, რ
მისცა.

ვამთავრე
გადმოცემას,
მადლობას
„სამებაო.
აღსაარებაი,
თვითებითა
დიდებულად
უფლისანი

სწავლება ბოროტი ანგელოზების შესახებ	59
სწავლება ადამიანის შესახებ	61
ადამიანის შექმნა	62
ხეთის ხატება და მსგავსება ადამიანში	62
ადამიანის დაცემა	63
ლეთის განზრახვა ადამიანის გადარჩენისათვის	64
სწავლება იესო ქრისტეს შესახებ	64
ღმერთი - განწმენდელი ადამიანისა	66
ეკლესია	69
ქრისტეს ქეშმარიტი ეკლესიის თვისებები	70
იერარქია	71
გარდაცვლილი ადამიანის სულის მდგომარეობა	72
უკანასკნელ სამსჯავრომდე	
სწავლება ანტიქრისტეს შესახებ	74
იესო ქრისტეს მეორედ მოსვლა	75
	76

დოგმატური ღვთისმეტყველება

შესავალი

დოგმატური ღვთისმეტყველების საგანს დოგმატები ანუ გამოცხადებითი რელიგიის მკვრეტელობითი ქვეშარიტებიანი წარმოდგენენ, სხვაგვარად რომ ვთქვათ, ყველაფერი ის, რასაც რწმენა ღმერთში მისევე წყალობით განკვერტს, რადგან ადამიანთან ურთიერთობაში შესვლა ღვთის კეთილმზებელობის შედეგია.

დოგმატი მომდინარეობს ბერძნული სიტყვიდან, რაც ფიქრს, ვარაუდს, მიჩნევას ნიშნავს. ქრისტიანული თვალსაზრისით კი მასში მტკიცე რწმენა (დაჭერებულობა) და შინაგანი ურყეობა იგულისხმება.

ქრისტიანული დოგმატის განსაკუთრებით აუცილებელი თვისება მისი ღვთაებრივი წარმომავლობაა. მისი სინამდვილე დროებით უფაზე კი არაა დამოკიდებული, არამედ მუდამ უცვლელი ღვთის გონის მარადიულ ქვეშარიტებაზე, რომელიც თავის თავს ღვთაებრივი გამოცხადების დროს ავლენს. ამიტომ მართალნი არ არიან პროტესტანტი ავტორები, რომლებიც დოგმატს ამა თუ იმ დროში გაბატონებულ მოსაზრებად მიიჩნევენ. ამით ისინი ეკლესიის მამათა სწავლების საპირისპიროდ ისტორიულ ქვეშარიტებას შეურაცხყოფენ და თვით ქრისტიანობას ამცირებენ. მსოფლიო საეკლესიო კრებებზე კი წმ. და ნეტარი მამების მიერ ჩამოყალიბებული დოგმატების მოწინააღმდეგეებს ანათემას უცხადებდნენ.

წმ. ბასილი დიდის თქმით: "ღვთის დოგმატები უცილობელია". სწორედ ამით განსხვავდება ქრისტიანული დოგმატები ყველა სხვა არაქრისტიანული რელიგიის აზრებისაგან. ფილოსოფიური დოგმატებისა ან პოლიტიკისაგან; იგი განსხვავდება ისეთი ქრისტიანული ქვეშარიტებებისაგანაც, რომლებიც ღვთის გამოცხადებას არ შეიცავს, მაგ. საეკლესიო დადგენილებებისაგან ღვთისმსახურებისა და კეთილმოწესების შესახებ. ეკლესიის მამები გამოყოფდნენ დოგმატებს, როგორც მკვრეტელობითი ქვეშარიტების დარგს ქრისტიანული წესებისაგან. წმ. კირილე იერუსალიმელი ამბობდა: "მართლმორწმუნეობა ორი საგნისაგან შედგება: ზუსტი, წმიდათაწმიდა დებულებებისა და კეთილი საქმეებისაგან, რადგანაც მხოლოდ დოგმატები კეთილი საქმეების გარეშე ღვთისთვის სათნო არაა; ამასთან, ის საქმეებიც მიუღებელია, რომლებიც მართალი სარწმუნოების დოგმატებზე არ არიან დაფუძნებულნი". წმ. იოანე ოქტობრის სიტყვითაც: "ქრისტიანობა როგორც დოგმატების

კანონებს, ასევე ჩანსაც ცხოვრებასაც ითხოვს." ასევე მსოფლიო კრებებიც რწმენის აღიარებას დოგმატებს უწოდებდნენ და მათ დროის მოთხოვნილებათა მიხედვით ადგენდნენ, ხოლო ყველა სხვა დადგენილებას კანონებს ანუ ცხოვრების წესებს. დოგმატის არსი ასეც შეიძლება გამოიხატოს: მაშინ, როცა რელიგია ადამიანის ღმერთთან კავშირია, რომელსაც ღვთისა და ადამიანის ურთიერთდამოკიდებულება განსაზღვრავს, დოგმატები, ზნეობრივი აზრებისაგან განსხვავებით, ღვთის შესახებ გამოცხადების მკვრეტელობით აზრსა და ადამიანთან მის კავშირს აღნიშნავენ, რომელიც პრაქტიკული ქვეშარიტებისაგან დამოუკიდებლად შეიცნობა.

ქრისტიანული სარწმუნოების მთავარი საგანი ან მთავარი აზრი, რომელიც ყველა დოგმატს ერთმანეთთან აკავშირებს, შეიძლება ასე გამოითქვას: "ქრისტიანული სარწმუნოების არსი ღმერთისა - მამის, ძისა და სულიწმიდის შესახებ სწავლებასა და ცოდვით დაცემული კაცობრიობის გამოხსნით გამოვლენილ ღვთის სიბრძნეში მდგომარეობს".

ახლა კი გავეცნოთ გონების მონაწილეობის საკითხს სარწმუნოებასთან მიმართებაში.

ჩვენში არსებული ეკლესიის საწინააღმდეგო ნებისითი თუ უნებლიეთი ცნობიერება ისევე აპირისპირებს გონებას დოგმატიკასთან. შეიძლება ითქვას, რომ მხოლოდ მას, ვისაც არა აქვს სწორი წარმოდგენა არც ღვთისა და არც მისი ნების, არც ადამიანის გონების შესახებ, შეუძლია დაუშვას გონების განმგებლობა გამოცხადების დოგმატებზე. საქმე იმაშია, რომ ცოდვით დამძიმებული ჩვენი გონება მკვრეტელობითი ქვეშარიტების გამოცხადებას, როგორც გამოცდილებითაც ცნობილია, ცუდად იგებს (II კორ. 1,21). თანამედროვე ადამიანის სულიერება იმდენად შერყეულია, რომ მისთვის ღვთის განსაკუთრებული შემწეობა აუცილებელი. თუკი ღმერთმა თავისი უსაზღვრო სახიერებით ადამიანებისათვის თავისი თავის შესახებ ისეთი სწავლების მიცემა ინება, რომელსაც ადამიანი თვითონ ვერასოდეს ვერ შეიტყობდა და ვერ ახსნიდა, ეს მისი (ღმერთის) სიკეთის შედეგია და ადამიანებს ისლა დარჩენიათ, მოკრძალებული მადლიერებით მიიღონ გამოვლენილი სიბრძნე.

ახლა ასე დავსვათ საკითხი: დოგმატიკამ უნდა გადაუღობოს თუ არა გზა გონების გამოძახილს იმ ქვეშარიტების შესახებ, რომელიც მხოლოდ გამოცხადებითაა ცნობილი? - თუკი გამოცხადება ადამიანს იმისთვის ეძლევა, რომ თავის უძლურებას უმკურნალოს და თვით გამოცხადება ქვეშარიტების მითითებით რწმენის საიღუმლოებებს ჩვენს

შეგნებასთან აახლოებს, დოგმატიკა მაშინ იმოქმედებს გამოცხადების შესაბამისად, როცა გონებას აჩვენებს, რომ ამა თუ იმ გამოცხადების საიდუმლოება, თუმცა შეუძლებელია გონებრივი საწყისიდან მომდინარეობდეს, მაგრამ არ ეწინააღმდეგება გონების მკვრეტელობითა და პრაქტიკულ მოთხოვნილებებს, არამედ პირიქით, თვით გონების ამა თუ იმ საჭიროებას ეხმარება და ცოდვით მიყენებულ ამა თუ იმ უძღურებას მკურნალობს. ამრიგად, დოგმატიკა აიძულებს რა გონებას აღიაროს რწმენის საიდუმლოებების კეთილისმყოფელი ძალა, კი არ ამცირებს, არამედ გამოცხადებით ქვეშაირტებებს გონების თვალში აღამაღლებს და მის ქირვეულობაზე იმარჯვებს. ამიტომ საჭირო არ არის დოგმატურ საკითხებზე სქოლასტიკური და კანნიერი პოლემიკა, სადაც მრავალი საზრდოა ლოგიკური მსჯელობისათვის და ცოტა სულისათვის. გამოცდილება იმის მოწმეა, რომ სარწმუნოებაში ეკვის შეტანა გარეგანი საბაბის გარეშეც, ზოგიერთისათვის შეუმჩნეველად კი, ჩვენი წახდენილი სულის სიღრმეში აღმოცენდება. ამ შემთხვევაში კი სარწმუნოების მხრიდან მხოლოდ დუმილი იმდენად არამართებულია, რამდენადაც მკენებელი. მოციქულმა პავლემ ბრძანა, რომ გონება რწმენას უნდა დავემორჩილოთ (2 კორ. 10,5). ასე მსჯელობდნენ ეკლესიის დიდი მასწავლებლებიც. ნეტ. ავგუსტინეს სიტყვით: "შეუძლებელია, რომ ღმერთს ჩვენში ეჯავრებოდეს ის, რითაც მისივე განგებით ყველა ცხოველზე მალა ვდგევართ. ჩვენ იმისათვის არ გვწამს, რომ გონებით არ ვისარგებლოთ; გონიერი სული რომ არ გვექონოდა, სხვაგვარად არც რწმუნება შეგვეძლებოდა". წმ. იოანე ოქროპირი: "განსაკუთრებით მაშინ უფრო გვწამს, როცა ვგებულობთ მიზეზებს, თუ რა რატომ ხდება." სწორედ მათი მსჯელობის სალი აზრით უნდა ილაპარაკოს დოგმატიკამ და მაშინ გონების გადაქარბებული გაბედულებით გამოწვეული შეცდომებისაგან დაზღვეული ვიქნებით. მხოლოდ აქვე უნდა გვახსოვდეს, რომ მეცნიერებისათვის უფრო აზრებია საჭირო, ვიდრე სიტყვები.

ლვთის შეგნება

ღმერთი არსით ერთია და ღვთის არსის ყოველი თვისებისათვის ღვთის ერთობა ის პირობაა, რომლითაც თვით ამ თვისებების არსებობაა შესაძლებელი. აქედან გამომდინარე, ღვთის ერთობა მეტია, ვიდრე ღვთის არსის თვისებები; იგი აუცილებელი პირობაა როგორც

ღვთის ყოფიერებისათვის, ასევე ღვთის არსისათვის. ამავე დროს მანამ, სანამ ღვთის შესახებ რაიმეს ვიტყვოდით, საჭიროა გავარკვიოთ საკითხი ღვთის შემეცნების შესაძლებლობებზე, რომ ჩვენი მსჯელობა ზომიერებას არ გადაცდეს.

მეორე საუკუნეში ვალენტინი და კარპოკრატე, ხოლო მეოთხეში ენომიოსი ასწავლიდნენ, რომ ადამიანისათვის ღმერთი სრულიად მისაწვდომია. საპირისპირო აზრს იცავდნენ მარკონეტები და მათი თანამედროვე ცრუ მასწავლებლები, რომლებიც ამბობდნენ, რომ ღმერთი ჩვენი შემეცნებისათვის სრულიად მიუწვდომელია. ამიტომ საჭიროა გავარკვიოთ: რა შეიძლება ვიცოდეთ ღმერთის შესახებ?

რამეთუ მეცნიერება იგი ღმრთისაი ცხად არს მათ შორის, რამეთუ ღმერთმანვე გამოუცხადა მათ (რომ. 1,19). მოციქულის სწავლებით, ადამიანებს შეუძლიათ ღვთის შემეცნება და ეს შესაძლებლობა დაფუძნებულია იმაზე, რომ ღმერთი მათ თავის თავს უცხადებს, ხოლო მათ გამოცხადების მიღების უნარი აქვთ. ამ ღვთიე შემეცნების შესაძლებლობას ბუნებრივი ეწოდება, რადგანაც, თვით ჩვენი ღვთიე შემეცნილი ბუნების თვისებას წარმოადგენს.

იმავე მოციქულის სწავლებით ღმერთი დროის სხვადასხვა პერიოდში და სხვადასხვაგვარად უცხადება ქვეშაირტებას ხალხს წინასწარმეტყველების მეშვეობით, ხოლო ადამიანებისათვის მისი ყველაზე სრული და უმაღლესი გამოცხადება ძე ღმერთში იყო, რომელიც მარადიული მამის დიდების ბრწყინვალეაა (ებრ. 1,3), რადგან ამ ბოლო გამოცხადებას - გამოცხადებას ღვთისა - ძე ღმერთში საფუძვლად უდევს ღვთის ნამდვილი და სრული ყოფიერება თავის ძეში, როგორც ასწავლიდა თვით ძე ღვთისა (ინ. 14,7-10). ამიტომ ღვთის შემეცნება ქრისტეში - უეჭველად სწორი და ნამდვილი შემეცნებაა: ხოლო ვიცით, რამეთუ ძე ღმრთისაი მოვიდა და მომცა ჩვენ გონებაი, რაითა ვიცოდით ჩუენ ქვეშაირტი ღმერთი და ვართ ჩუენ ქვეშაირტისა თანა, ძისა მისისა იესო ქრისტესა (1 ინ. 5,20).

მიუხედავად იმისა, რომ ღმერთმა თავის თავი ადამიანებს ქრისტეში განუცხადა, იუდეველებმა ვერ შეიცნეს იგი. რატომ? თქვენ ხორცთაებრ ხართ, ეუბნება მათ მაცხოვარი (ინ. 8,15-19), ანუ თქვენში ცოდნის უნარი ისე არ არის მოწყობილი, რომ ახალი სწავლების გაგება და მიღება შეძლოთ; თქვენ თქვენი წამბდარი ბუნების მოთხოვნილებებით მსჯელობთ. აქედან ჩანს, რომ ღვთის გამოცხადების მისაღებად საჭიროა არა მარტო გონება, რაზეც ამბობს მოციქული, არამედ გულის სიწმინდეც. ასევე ასწავლიდა მაცხოვარი: უკეთუ ვინმე ნებასა მისსა ჰყოფდეს, ცნას მან მოძღურებაი ესე, ვითარ რაი არს:

ღმრთისაგან არს, ანუ მე თავით თვისით ვიტყვი (ინ. 7,17). მოციქულებიც იმავეს ასწავლიან: უძველი რომელი ცოდვიდეს, მას არა უხილავს იგი, არცა იცის იგი (1 ინ. 3,6). რადგან ადამის დაცემასთან ერთად მთელი კაცობრიობაც დაზიანდა და ბუნებაში ღვთის გამოცხადება აღარ ეძარება ადამიანებისათვის ღვთის შესახებ სწორი და სრული შეგუების შესატყობად, ისე რომ თავიანთ თავზე მინდობილმა ამა სოფლის ბრძენთაც იცვალეს დიდებამ იგი უხრწნელისა ღმრთისაი მსგავსად ხატისა მის განხრწნადისა კაცისა და მფრინველთა და ოთხფერხთა და ქუეწარმავალთა (რომ. 1,23). ამიტომ ამიერიდან ღვთივშემეცნებისათვის აუცილებელია ადამიანის განახლება ღვთის მადლით, ანუ რაც იგივეა, მადლით ზნეობრივი სრულყოფა განწყობისა და გონებრივი ღვთივშემეცნების გაუმჯობესებისათვის.

უფალი, ამბობს პავლე მოციქული, ნათელსა მყოფ არს მიუწვდომელსა, რომელი არავინ იხილა კაცთაგანმან, არცა ხილვად ხელ-ეწიფების (1 ტიმ. 6,16). ეს ნიშნავს, რომ თუმცა ღმერთმა თავის თავი გამოუცხადა ადამიანებს, მაგრამ ღვთის დიდებულება განუზომელია და ამიტომ მიუწვდომელიც. - ადამიანი უძლურია მთლიანად მოიცვას იგი.

ღვთისმზილველი მოსე ევედრებოდა უფალს: მიჩვენე დიდებამი თავისა შენისა; უფლის პასუხიდან ჩანს (გამს. 33,18. 23), რომ სანამ ადამიანი ამ ქვეყნად ცხოვრობს, მისთვის შეუძლებელია წმიდა ღვთის არსის განკვერტა, და ამ მიწიერ ყოფაში, ღმერთი მხოლოდ ამ ყოფიერებისთვის შესაფერის საზღვრებში ეცხადება მას და ადამიანს მხოლოდ ღვთის დიდების ანარეკლი ("ზურგი") შეუძლია იხილოს.

ღვთივშემეცნების შესახებ მოციქულთა მიერ გამოხატული ნიშნების მიხედვით ასეთ განსაზღვრებებს ვღებულობთ: ა) სამყარო და გამოცხადება, როგორც სარკე, ღვთის სახეს ირეკლავენ - და ამ გამოხატულებით ღმერთს შევიმეცნებთ; აქედან გამომდინარე ჩვენ ღმერთს ვხედავთ, არა უშუალოდ, არა როგორც ფიზიკურ სხეულს, არამედ მხოლოდ და მხოლოდ ღვთის ანარეკლს; ბ) ღვთის პირი (სახე) გამოცანის სახით წარმოგვიდგება, ამიტომ გონებით უნდა განვსაჯოთ, რომ რაც შეიძლება ნათელი წარმოდგენა შეგვექმნას ჩვენთვის გამოჩინებული მაღალი საგნის თვისებების შესახებ; გ) ახლა (ამ ქვეყნად) ღმერთს მხოლოდ ნაწილობრივ შევიცნობთ და არა მთლიანად, და არა სრულიად, ზოგიერთი დასკვნის გათვალისწინებით მხოლოდ სარკეში არეკილ ღვთის ერთ მხარეს შევიცნობთ. ამრიგად, ჩვენი შეგუება ღვთისა საკუთრივ რწმენაა და არა მეცნიერება (ცოდნა).

მოციქული ამბობს, რომ სხვადასხვა დროს ღმერთი ადამიანებს ეცხადებოდა სხვადასხვა სახით (ებრ. 1,1), ხოლო რადგანაც კენთის ცნობილია, რომ ღვთის შემეცნების შესაძლებლობა ადამიანების მიღების უნარზეა დამოკიდებული, მოციქულის სიტყვებიდან ჩანს, რომ ღმერთი ამა თუ იმ დროს ადამიანებს იმდენს უცხადებდა, რამდენის მიღებაც მათ შეეძლოთ. მოძვეალ ცხოვრებაში სხვაგვარად ვიარსებებთ და ღვთის შესახებ შეგუებას სხვაგვარი გვექნება: თუმცა როგორც ჩვენს ყოფიერებაში, არც იქ ვიქნებით თავისუფალნი შეზღუდულობისაგან, მაგრამ შეგუება უკვე სახეობრივი ცოდნა კი აღარ იქნება, არამედ ღვთის პირის-პირ ცნობა (რა თქმა უნდა მათთვის, რომლებიც ღვთის წინაშე წმინდანებად წარსდგებიან). ამრიგად, ღვთის შემეცნების ხარისხი ჩვენი მიმღეობის ხარისხზეა დამოკიდებული.

მამათა სწავლების საერთო დასკვნა გრიგოლ ღვთისმეტყველის სიტყვებით შეიძლება გამოიხატოს: "ღვთის შესახებ უნდა ითქვას, რომ იგი არც სრულიად მიუწვდომელია და არც სრულიად მისაწვდომი". ამისი დამადასტურებელია წმ. წერილში წარმოდგენილი ღვთის სახელებიც, რომლებიც თვით ღვთის მიერაა გამოცხადებული და ღვთის არსის ნამდვილი, თუმცა არასრული, გამოხატველია. მაგალითისათვის წარმოვადგინოთ ძველი ალთქმის ღვთის გამოხატველი ებრაული სიტყვები:

- ელოჰიმ - ძალა, ძლიერება
- იეოვა - აბსოლუტურად მყოფი (არსი)
- შადდაი - ყოვლისმპყრობელი, ყოვლადძლიერი
- ელ - სიმტკიცე
- ადონაი - ყოვლისმფლობელი
- ელიონ - უზენაესი.

კიდევ უფრო სრულად და ამაღლებულადაა გამოხატული ღმერთი ახალ ალთქმაში, რადგანაც ახალ ალთქმაში ღვთის შესახებ თვით ძე ღმერთი ლაპარაკობდა. ასე მაგალითად, უფრო ნათლად და პირდაპირაა გამოთქმული, რომ ღმერთი სრულია (ყოვლადსრულყოფილი), მხოლოდ იგია სახიერი და ბრძენი, სულ არს ღმერთი (ინ. 4,24) - ეუბნება მაცხოვარი სამართლმცოდნე დედაკაცს და მიგვითითებს უსხეულო არსის (ღმერთის) პიროვნულ არსებობაზე, რომელსაც გონთან და ნებასთან ერთად ყოფიერება თავისსავე თავში აქვს. მაგრამ ღვთის გამოხატველობა, ძველ ალთქმასთან შედარებით ახალი ალთქმის უპირატესობის მიუხედავად, მაინც ფარდობითია

როგორც თავს საგანთან, ისე გამოთქმის შესაძლებლობასთან მიმართებით.

ლვთის არსის თვისებები

არა მხოლოდ საერთოდ ღვთის, არამედ მისი ყოფიერების შესახებ მსჯელობისას, ჩვენ არ განვშორებივართ აზრს ღვთის, როგორც პიროვნული და ცხოველი არსის შესახებ. მაგრამ რა არის ეს პიროვნული და ცხოველი არსი? რომელია ღვთის არსის გამომაშკარავებელი თვისებები? კითხვა გარდაუვალია. მაგრამ არა ადვილია გადასაწყვეტი. მიუწვდომელზე მხოლოდ ის შეგვიძლია ვთქვათ, რაც მან ადამიანისათვის თავისი თავის შესახებ გამოაცხადა, და ვთქვათ წინდახედულად.

სრულიად ზუსტი დაყოფა ღვთის თვისებებისა შეუძლებელია, იმიტომ რომ შეუძლებელია ღვთის არსის სრული შეცნობა. მაგრამ საკითხის შედარებით სწორად შერჩევა შესაძლებელიცაა და საჭიროც.

თვითმყოფადი. ამ თვისებით ღმერთი ყოფიერების არანაირ დამოკიდებულებასა და განსაზღვრულობას არ ექვემდებარება. იგი თავისთავად არსებობს და ყოველივეს აძლევს ყოფიერებას.

გონება თვითმყოფადობას ღვთის აუცილებელ თვისებად იმ კანონის მიხედვით მიიჩნევს, რომლითაც შემთხვევითი აუცილებელ საწყისს საჭიროებს და რიგი საბოლოო მიზეზებისა არ შეიძლება უსასრულოდ გაგრძელდეს, არამედ შეჩერდება პირველ არსებაზე, თვითმყოფადზე, რომელსაც ყოფიერება არავისგან არ მიუღია და ყველა მიზეზის მიზეზს წარმოადგენს.

თვით უფალი ამბობს თავის თავზე: **მე ვარ ღმერთი, მყოფი რომელი ვარ** (გამს. 3,14). ეს ნიშნავს, რომ იგი ამ სიტყვის სრული გაგებით არსებობს. თავის თავში სრულ ყოფიერებას მოიცავს და სხვა ყოველივეს ყოფა მასზეა დამოკიდებული.

ღვთის დამოუკიდებლობას განსაკუთრებით ძლიერად და ნათლად გამოხატავს უფალი იესო ქრისტეს სიტყვები, როცა იგი ამბობს, რომ მამა ღმერთს ცხოვრება თავის თავშივე აქვს (ინ. 5,26).

მარადიული. ღმერთს ეკუთვნის ეს თვისება - მარადიულობა ანუ მუდმივი ყოფა, რომლის მიხედვითაც მას არასოდეს არ დაუწყია და არც შეწყვეტს არსებობას.

გონებას არ შეუძლია არ აღიაროს ღვთის ეს თვისება, რადგან მისი უარყოფა ღვთის ყოფიერების უარყოფამდე მიიყვანდა. ღმერთი და

მარადიულობა - ერთმანეთისაგან განუყოფელია. გამოცხადება გვასწავლის: **პირველ შთათა დაბადებამდე, და შექმნად ქვეყანისა, და სოფლისა და საუკუნითგან და უკუნისამდე შენ ხარ** (ფს. 89,2). ღმერთი არა მხოლოდ დროზე და დროებითი ყოფიერების პირობებზე არაა დამოკიდებული, არამედ ნეტარი ავგუსტინეს სიტყვით რომ ვთქვათ, თვითონაა დროისა და ყოველივე დროში წარმავალის შემოქმედი.

უცვლელი. ეს ისეთი თვისებაა, რომლის გამოც ღვთის ძალების ნებისმიერი კლება ან მატება, ყოფიერების ერთი სახიდან მეორეში გადასვლა გამორიცხებულია. ასე რომ, ღმერთი ყოველთვის ერთი და იგივეა.

გონება ამ თვისებას მიაწერს ღმერთს, როგორც დამოუკიდებელ აზრს, რადგან თვითარსისათვის გაფართოებაცა და შევიწროებაც, ისევე როგორც მარადიულისათვის ყოფიერების ერთი სახიდან მეორეში გადასვლა შეუძლებელია.

ხოლო რაც შეეხება წმ. წერილში აღნიშნულ ღვთის სინანულსა და რისხვას, მხოლოდ ღმერთთან ადამიანის დამოკიდებულებას გამოხატავს, რადგან ღვთის განწყობას ჩვენს მიმართ ვსწავლობთ არა სხვაგვარად, თუ არა ჩვენს ენაზე.

ყველგანმყოფი. ამ თვისებით ღმერთი ყველაფერთან და ყველასთან ერთნაირად ახლოა, და ამიტომ, როგორც არავისაგან გამოკლებულსა და არაფრით დამთავრებულს, სხვაგვარად განუზომელი ეწოდება.

გონება ღვთის ასეთ თვისებას ღვთის ყოფის თვითმყოფადობის აუცილებელ შედეგად მიიჩნევს. ღმერთი რომ ყველგან არ ყოფილიყო, მაშინ ის იმაზე იქნებოდა დამოკიდებული, რაც მისი ყოფისა და მოქმედების საზღვრებს დაადგენდა. ამიტომ ღვთის ყველგანმყოფობას წარმართი ბრძენნიც კი უშვებდნენ, თუმცა ციური სხეულების თაყვანისცემა, ისევე როგორც მიწიერი საგნების გაღმერთება, ღვთის განუზომელობის ამჟამად წინააღმდეგობა იყო.

თუკი ზოგჯერ წმ. წერილი ღმერთის სუფევის ადგილს ცაზე წარმოგვიდგენს, ან მას სადმე მყოფს გამოხატავს, ამით მხოლოდ მის განსაკუთრებულ დიდებულებაზე, ან მის სახერებაზე მიუთითებს.

რადგან გამოცხადება ღვთის ყველგანმყოფობის ქვეშარტებაში გვარწმუნებს, მაგრამ ყველგანმყოფობის სახეს სიზუსტით არ წარმოგვიდგენს, ისლა დაგვრჩენია, ყველგანმყოფობის განუმარტებელი სახე ჩაუძიებლად განვმარტოთ, აზრი ღვთის ყველგანმყოფობის შესახებ ჩვენს ზნეობრივ ყოფას შევესაბამოთ და წმ. იოანე

ოქროპირის სიტყვები გავიმეორეთ: "ვიცი, რომ ღმერთი ყველგანაა, მაგრამ როგორ - არ გვესმის".

სული. როგორც სივრცისა და დროის ყოფიერების პირობებიდან განდგომილი (თავისუფალი) ღმერთი უწმიდესი სულია.

ღვთის სულობა არა მხოლოდ სიმარტოვე და ყოფიერებაა, რომელსაც არაწიარ ნაწილთა შენაერთთან არავითარი კავშირი არა აქვს, არამედ იგი პიროვნული დამოუკიდებელი ყოფიერებაა.

სალი გონება აღიარებს თავისუფალ სულს, როგორც ღვთის აუცილებელ თვისებას: ა) იმიტომ, რომ სხვაგვარად მას არ შეუძლია ახსნას შექმნილი სულების არსებობა, და ბ) იმიტომ, რომ თვითმყოფადი არსი რთული რომ ყოფილიყო, ცვლილებასა და დაშლას განიცდ და ასევე შეუძლებელი იქნებოდა, რომ იგი წმიდისა და გონიერის საწყისი ყოფილიყო; სიწმიდეს, უცვლელობაც და მარადიულობაც შეუსაბამოა ნივთიერ სირთულესთან და მაშასადამე ეს უკანასკნელი სრულყოფილი არსის საწინააღმდეგოს წარმოადგენს. ციკერონი წერდა: "სხვაგვარად შეუძლებელია წარმოვიდგინოთ იგი (ღვთაება), თუ არა როგორც გონი თავისუფალი ნებით, რომელიც არავითარ ნივთიერ მინარევთან არაა დაკავშირებული და ყოველივეს სულისჩამდგმელი და მამოძრავებელია".

ახალი აღთქმის გამოცხადება მთელი სიციხადით წარმოგვიდგენს როგორც ღვთის არსის უმაღლეს სიმარტოვეს, ისე თვითმყოფად პიროვნებას. მაცხოვარი ამბობს: **სულ არს ღმერთი** (ინ. 4,24). აზრობრივი კავშირი გვიჩვენებს, რომ მაცხოვარი ასახელებს რა ღმერთს სულად, მასში მარტო, არანივთიერ არსს გულისხმობს. იმის დასადასტურებლად, რომ სული უსხეულო არსს ნიშნავს, თვით მაცხოვარის სიტყვები გავიხსენოთ: **სულსა ხორც და ძვალ არა ასხენ** (ლკ. 24,39); ან როგორც სხვაგან ამბობს: **სული ხორცის საწინააღმდეგო ცხოველმყოფელი საწყისია** (ინ. 6,13). "ღმერთის თვალთ დახახვა მსგავსად სხვა ცოცხალი არსებებისა, შეუძლებელია; იგი მხოლოდ გონებით აღიქმება, როგორც პლატონი ამბობს და მე მისი მგერა" (წმ. იუსტინე, პლატონის შესახებ).

გონი. რადგან ღმერთი თვითმყოფადი სულია: მისი სიცხოველე უსრულყოფილესი გონით მელავნდება.

და რა არის ღვთის გონი?

ღმერთში ძალა არ შეიძლება იყოს უმოქმედოდ, არ შეიძლება არსებობდეს მხოლოდ შესაძლებლობის მნიშვნელობით, როგორც ეს შეზღუდულ სულში ხდება. იმიტომ ღვთის გონი ამავე დროს არის ცოდნა (მჭკვრეტელობა, ხედვა); სხვაგვარად ღვთის გონი არის თვით

ყოფიერება ქვრეტის მდგომარეობაში და მისი ცოდნა მისივე ყოფიერებისგან მხოლოდ იმით განსხვავდება, რომ ღვთის გარეთ არსებულსაც მოიცავს.

ღმერთის ყოვლისმცოდნეობაში არა მხოლოდ ის იგულისხმება, რომ მან ყველაფერი იცის, არამედ ისიც, რომ იცის ყოველად სრულყოფილი სახითაც.

ადამიანი თავის თავს შეიცნობს არასრულად და თან სამყაროსა და ღვთის შემეცნების საშუალებით. ღმერთში კი, თვით შემეცნება სრულია და მას ამისათვის არავითარი საშუალებანი არ სჭირდება. თუკი ღმერთს შექმნილთაგან რაიმე არ ეცოდინებოდა, მაშინ ეს იმაზე მიანიშნებდა, რომ მისი ყოფიერება ყველგანყოფის ყოფიერებას არ წარმოადგენს. გამოცხადება გვასწავლის, რომ ღვთისათვის, უმცირესი საგნების ჩათვლით, ყველა ქმნილება ცნობილია (ებრ. 4,13, მთ. 10,29).

ყველა ქმნილება დროის კანონს ემორჩილება და ხან აწმყოს, ხან წარსულს და ხან მომავალს მიეკუთვნება; იმიტომ წმ. წერილი, აღწერს რა ღვთის ცოდნას, როგორც ყოვლისმომცველს, მას ქმნილების ყოფიერების სამივე დამოკიდებულებაზე აგრძელებს. ეს ცოდნა აგრეთვე ადამიანის გულის საიდუმლო ზრახვებზეც ვრცელდება.

როგორც ავლინებთ, ღვთისთვის მომავალიც ცნობილია, მაგრამ ღვთის წინასწარ ცნობა და ადამიანის თავისუფლება ერთმანეთთან შეთავსებულია. ნეტ. ავგუსტინეს მსჯელობით: "თუ ღვთისათვის მთელი რიგი მიზეზებისა ცნობილია; - ეს კიდევ არ ნიშნავს იმას, რომ ჩვენს თავისუფალ ნებაზე რაიმე არ იყოს დამოკიდებული. თვით ჩვენი სურვილები მიზეზთა იმ რიცხვს ეკუთვნის, რომლებიც ღვთისათვის ცნობილია მისი წინასწარცნობის გამო, რადგან ადამიანური სურვილები - ადამიანურ საქმეთა მიზეზებს ემსახურებიან. ადამიანი იმიტომ კი არ სცოდავს, რომ ღმერთმა წინასწარ განჭკრიტა, რომ ის ცოდვას ჩაიდენდა".

ყოვლადბრძენი. ღვთის სიბრძნე არის საუკეთესო მიზნებისა და საშუალებების სრულყოფილი ცოდნა და ასეთივე უნარი უკანასკნელის პირველთან შეთანხმებისა.

ბუნებრივი გონებაც სამყაროს მოწყობილობის განხილვის, ხალხების და თითოეული ადამიანის ბედზე დაფიქრებისას, ყოვლისმპყრობელის უდიდეს სიბრძნეში რწმუნდება. ძვ. აღთქმის გამოცხადება სამყაროზე, როგორც ღვთის უდიდესი სიბრძნის სარკვეზე მიუთითებს; ახალ გამოცხადებაში კი, - ყოვლადბრძენის საქმე ქრისტეს მიერ ჩვენი გამოხსნის აღსრულებაა.

ნება. ღვთის არსი გონის გარდა ნებითაც მღვანდება. როგორც ღვთის გონია ყოვლად სრულყოფილი, ასევე მისი ნებაც ყოვლად სრულყოფილია. ეს ღვთის ის თვისებაა, რომლითაც ღმერთს თავისი გონის მაღალი ზრახვების შესაბამისად მხოლოდ სიკეთე ნებავს და თავის სურვილებს ყოველგვარი წინააღმდეგობის გარეშე აღასრულებს.

წმ. წერილი ნათლად ამბობს იმის შესახებ, რომ სამყაროს შექმნაც ღვთის ნების საქმეა და ღმერთს ადამიანის გადარჩენა სწადია. ღმერთს, განფენს რა თავის სურვილებს სამყაროსა და ადამიანზე, საკუთრივ თავისივე სრულყოფილების გამოვლენა ნებავს (კოლ. 1,16, ებრ. 2,10) "უფალს არ ნებავს ის, რაც მისი შექმნილი არ არის", - ამბობდა ტერტულიანე. ღვთის ნება - სურვილი იმიტომაც არის სამყაროს საჭიროებებთან შეთანხმებული, რომ იგი თვით ღმერთის თვისების შესაბამისია. ღმერთს მხოლოდ ერთი რამ - სიკეთე სწადია, არა და არ შეიძლება ღვთის ნებაში გაორება იყოს.

გამოცხადების სწავლებით, სურს რა ღმერთს ადამიანის გადარჩენა, მას მხოლოდ მისივე (ადამიანის) სურვილის გათვალისწინებით იხსნის (ლკ. 10,25-28; მრკ. 16,16; მთ. 23,37). ეს პირობა იმიტომაც უნდა იყოს დაცული, რომ ადამიანის თავისუფლება ღვთის საქმეა, რომელსაც ღმერთი თავისივე თავის წინააღმდეგობის გარეშე ვერ შეეცლის, ამიტომაც იგი ადამიანს ხელს არ უშლის ბოროტების ჩადენაში. მისი კეთილმზნებლობა სიკეთის მიმართ აქაც იმაში მგლავნდება, რომ ბოროტების მწარე შედეგი ადამიანის განგებლობაში კი არ რჩება, არამედ ღვთის ნებას ემორჩილება, რომელსაც სურს ბოროტება მწარე წამლობით გამოასწოროს.

ნების თავისუფლება. ეს თვისება იმას ნიშნავს, რომ ღმერთი ყოველგვარი გარეშე ძალის რჩევის გარეშე, ყოველივეს მხოლოდ საკუთარი გონიერი ბჭობით (რჩევით) განსაზღვრავს. სხვაგვარად მას თვითნებლობა შეიძლება ვუწოდოთ.

ღვთის თავისუფალი ნების, როგორც მხოლოდ სიკეთის გამოვლინებაზე, თვითონ გამოცხადება გვეუბნება. იგი საშუალებას გვაძლევს ღვთის სრული თავისუფლება დავინახოთ:

ა) ქვეყნის შექმნაში (ფს. 113; 11);

ბ) ქვეყნის მოწყობის განგებულებაში (დან. 4,32);

გ) ცოდვილი ადამიანების გადარჩენის საქმეში. მოციქული პავლე მოყვარე იუდეველთა აზრის უარსაყოფად, თითქოს ისინი ღმერთს თავის ერთად დამსახურების მიხედვით აერჩიოს, ისააკისა და იაკობის მაგალითზე მიუთითებს (რომ. 9,10-11), რომელთა ხვედრი მათ შთამომავალთა ხვედრთან ერთად დაბადებამდე გადაწყვეტილი იყო:

რაითა რჩევით წინა-განმზადებაი იგი ღმრთისაი ეგოს¹⁵. შემდეგ მოციქული იმავე ღვთის ნების თავისუფლებას მოსეს სიტყვებით (მუხლ. 15), ფარაონის ხვედრით (მუხლ. 19) და ყველა ქმნილების ხვედრის მექეცის თიხასთან შედარებით (მუხლ. 21) ამტკიცებს; და ბოლოს კი ღვთის თავისუფალი მოქმედების მიზანზე მიუთითებს (მუხლ. 22-23).

დ) თუკი ბუნებრივ გონებას საეჭვოდ მოეჩვენება ის, რომ ღვთის თავისუფალი ნება სამყაროს შექმნისას ამქვეყნიური კანონებით იყო შევიწროებული, გამოცხადება როგორც ღვთის ნების საქმეს წარმოადგენს სასწაულებსა და წინასწარმეტყველებებს, რომლებიც სამყაროს კანონებზე სრულიად არ არიან დამოკიდებულნი. დაკვირვებით განხილვისას, ბუნების კანონებიც, ე. წ. უცილობელი, მათემატიკური, ლოგიკური კვანძებიც მხოლოდ იმ შემთხვევაში არიან უცვლელნი, თუკი ისინი უმაღლესი ნების განზრახვას ემორჩილებიან. რომელმაც მათ ყოფიერება მიანიჭა; ამიტომაც ღვთიური გზების განსაზღვრულობის მიუხედავად ჩვენი ლოცვებიც მართებულია. ლოცვებს რომ სამყაროს განგებლის გეგმების შეცვლა არ შეუძლია, ეს თავისთავად ნათელია, მაგრამ გულწრფელად მლოცველი ამბობს "იყავნ ნება შენი", რაც იმას ნიშნავს, რომ ღვთის თავისუფალ გეგმებში ლოცვებიც შედის თავისი შედეგებითურთ.

ალიარებს რა ღვთის არსის თვითყოფადობას, ეონებში ღვთის ნების სრული თავისუფლება უნდა აღიაროს, რადგან არ შეიძლება რაიმე აღძვრა განიცადოს იმან (ღმერთმა), ვინც არავისზე და არაფერზე არაა დამოკიდებული. ეკლესიის მასწავლებლები ამ აზრს იმათი მხილებისას განმარტავენ, რომლებიც ამტკიცებდნენ, რომ სამყარო არა ღვთის ნებით, არამედ აუცილებლობით წარმოიშვა, როგორც ჩრდილი სხეულისაგან, აგრეთვე იმათ წინააღმდეგ მსჯელობისას, რომლებიც სამყაროსაც და ღმერთსაც ბრმა ბედისწერას უქვემდებარებდნენ.

ყოვლადძლიერი. სურვილებში თავისუფალი ნება ღვთისა არაფრით არაა შეზღუდული გადაწყვეტილებების აღსრულებისასაც, ანუ სხვაგვარად, ყოვლადძლიერებითაა აღჭურვილი. წმ. ეპიტანეს

15) ჩვენი წყარო განმარტავს, რომ ბერძნულ ტექსტში ხმარებული სიტყვა "ელოგე" ("კატ ელოგენ" ქართ. არჩევანი) თავისუფლების გამოხატულია და მოციქული იმიტომ ამბობს ამ სიტყვას, რომ ღვთის ნების თავისუფლება გამოუმჯავანდეს. სამოციქულოს ქართულ თარგმანში გამოყენებული სიტყვაც ("რჩევით") თავისი მნიშვნელობით იმავე აზრს გამოხატავს, რადგან როგორც ზემოთ აღვნიშნეთ, ღვთის ნების თავისუფლებას სწორედ მისი საკუთარი არჩევანი განსაზღვრავს. (გ.რ.)

სამართლიანი თქმით: "მას ყველაფრის გაკეთება შეუძლია, რასაც კი მოისურვებს. მაგრამ მხოლოდ ღვთისათვის შესაფერისს აკეთებს". ახ როგორც კლიმენტი რომაელი გვასწავლის: "ღვთისათვის არაფერია შეუძლებელი, გარდა ტყუილისა", ნეტ. ავგუსტინე კი წერს: "ღმერთს, რადგანაც ყოვლისშემძლეა, - არ შეუძლია მოკვდეს, მოტყუდეს და ყოვლადძლიერი იმიტომაცაა, რომ ყოველივე ეს არ აღებატება მის ძლიერებას, რადგან სიკვდილი რომ შეძლებოდა, მაშინ არც ყოვლისშემძლე იქნებოდა".

სიწმინდე. ღვთის თავისუფლება, განხილული მოქმედების აღძვრასთან დამოკიდებულებაში, წარმოადგენს ზნეობრივ თავისუფლებას ანუ სიწმინდეს. ეს ისეთი თვისებაა, რომლითაც ღვთის ნება ყოველთვის და ყველაფერში ეთანხმება თავისივე შეხედულებას ყოვლადსრულყოფილ სიკეთეზე, რომელიც თვით ღმერთში არსებობს. ეს არის მუდმივი და სრული თანხმობა სურვილისა და მოქმედებისა საქმის სრულყოფილი აღსრულებით.

წმ. წერილი, როცა ღვთის სიკეთეზე მიუთითებს, ზოგჯერ მასში ღვთის ხელშეუხებელსა და უაღრეს დიდებულებას გულისხმობს; ან შეიძლება საკუთრივ მისი ნების ზნეობრივ სრულყოფილებას გამოხატავდეს.

აზრი ღვთის სიწმინდის შესახებ იმდენად ბუნებრივია ადამიანისათვის, რომ პრაქტიკული წარმართთაგანიც ღმერთს, წმინდად მიიჩნევდა (ესქილე, სოფოკლე), თუმცა პომპროსთან წარმოდგენილი ბერძნული ხალხური ღვთისმეტყველება ბერძენ ხალხს პატივს არ კმატებს. აზრის უარყოფა ღვთის სიწმინდის შესახებ გონებისათვის იგივე იქნებოდა, რაც ჩვენი სულიერი ბუნების თანდაყოლილი ზნეობრივი კანონის უგულებელყოფა ან რაც იგივეა, რომ არ მიგველო აზრი ღმერთის, როგორც ყოვლადსრულყოფილი არსების შესახებ; რადგან სიწმინდე გონიერ-თავისუფალ არსებაში სრულყოფილებათაგან პირველია, ხოლო ცოდვა - ნაკლებლოვანებათაგან უარესი.

სახიერი. ღვთის ნება სიყვარულია, სახიერებაა. მოციქულის თქმით - ღმერთი სიყვარულია (1 ინ. 4,18). და რა თქმა უნდა არა მხოლოდ ქმნილებათა მიმართ დამოკიდებულებაში, - იგი სიყვარულია, იგი სახიერებაა თავის თავად (თავის თავში). ამრიგად, ღვთის სახიერება არიზ სიყვარული სრულყოფილებისა და სიკეთის მიმართ, თავისივე თავისა და სხვებისათვის.

ღვთის სახიერება სხვადასხვა დამოკიდებულების მიხედვით, რომელიც ხალხისა და ქვეყნიერების მიმართ ვლინდება,

სხვადასხვაგვარად იწოდება: კაცთმოყვარეობა, მოწყალება, მოთმინება, შეწყნარება და მადლი.

ყველაზე უფრო საოცარი მტკიცება ღვთის სიყვარულისა ადამიანების მიმართ, ნუგეშებისმცემელის მადლითა და ძე ღმერთის მიერ დაცემული ადამიანის აღდგენაა.

ვინც არ უნდა იმსჯელოს ღვთის საქმეთა შესახებ, იგი გულის სიღრმიდან უნდა აღიარებდეს, რომ ღმერთი ქეშმარიტად სიყვარულია. ამაზე ბალახის ყოველი ღეროს არსებობაც მეტყველებს, იმიტომ რომ სიცოცხლით ტკბება. მით უმეტეს ამას აღიარებს ადამიანის სულიერი ბუნება, როგორც არ უნდა დაამახინჯოს იგი თვით ადამიანმა: ღვთის სახიერებას ხომ თვით წარმართებიც აღიარებდნენ. ისინი მიიჩნევდნენ, რომ რამდენადაც ადამიანის სიცოცხლე საფლავით არ მთავრდება, ხოლო ამქვეყნიური განსაცდელეები ზნეობრივ სიკეთეს ასწავლიან, ამდენად ფიზიკური ბოროტება სრულიადაც არ ეწინააღმდეგება ღვთის სახიერებას.

სიმათლე. ღვთის სიმათლე ისეთ თვისებას წარმოადგენს, რომლითაც თვით ღმერთს, უყვარს რა ზნეობრივი კანონის ერთგულება, სურს, რომ გონიერი ქმნილებებიც აღასრულებდნენ მას, ამიტომაც აძლევს მათ კანონს და შესრულებისას აჯილდოვებს კიდევ, ისევე როგორც დაარღვევის შემთხვევაში სჯის. ამგვარად, ღვთის სიმათლე ორგვარ მოქმედებაში ვლინდება და მას ზოგჯერ საკანონმდებლო და ზოგჯერ სასყიდლის მიმგები სიმათლე ეწოდება.

წმ. წერილი გვასწავლის, რომ ღმერთი ერთი არს სჯულის მდებელი (იაკ. 4,12), რამეთუ ესე არს, ნება ღმრთისა, სიწმინდე ეგე თქუენი (1 თესკ. 4,3) და იქვე მითითებულია, რომ ღვთის ბრძანებები ორგვარია: ერთნი თვით ჩვენს გულშია ჩაწერილი და ბუნებით წესს წარმოადგენენ, მეორენი კი დადებითი დებულებებისაგან შედგებიან; ასეთია ძველი წესი, რომელიც ისრაელს სინაზე მიეცა, და ახალი წესი, რომელიც უფალი იესო ქრისტეს მიერ გამოცხადდა და ჩვენს გულეში სულიწმინდითაა ჩაწერილი (იერ. 31,33; ებრ. 8,8-11).

გონებას არ შეუძლია ღმერთში თავის სჯულმდებელს არ ხედავდეს: სინდისი - ჩვენი შინაგანი მოსამართლე - განუწყვეტლივ გვახსენებს იმას, ვის მცნებებსაც ჩვენ ვარღვევთ.

გამოცხადება ღმერთში სამართლიანი სასყიდლის მიმგებას ნათლად წარმოაჩენს:

ა) სასყიდლისმიმგები ღვთის სიმათლე თავის მოქმედებას ყველა ზნეობრივ არსებაზე განავრცობს, ყველას მიმართ მიუკერძოებელია, უმაღლესი გონის შესატყვისი აზრით მოქმედებს და ამიტომ

წყალობასა და სასჯელს მოქმედების მიზანთან, მოქმედების ძალისა და საშუალების ზომასთან ათანხმებს.

ბ) ყოველი სიკეთისათვის აჯილდოვებს, ერთი ქიქა ცივი წყლისთვისაც კი (მთ. 10,42). უფალი სიმაართლის გვირგვინს ყველას მიუძღვნის, ვინც მის გამოჩინებას (გამოცხადებას) შეიყვარებს (2 ტიმ. 4,7-8).

ვ) სჯის ან დასჯის ცოდვილებს მთელი მათი ბოროტებისათვის: მისი სახე ადამისა და კაენის, წარღვნამდელი ქვეყნისა და სოდომისა და გომორის ბედშია ნაჩვენები.

მიციქული გვასწავლის: ნუ სცდებით, ღმერთი არა შეურაცხ-იქნების. რამეთუ რაცა იგი სთესოს კაცმან, იგიცა მოიმკოს. რამეთუ რომელმან სთესოს ხორცთა შინა თვისთა, ხორცთა მიერ თვისთა მოიმკოს ხრწნილება (გალატ. 6,7-8).

ძვ. აღქმის გამოცხადება, გრძობათა მორჩილი და თვითნება ადამიანების გამოსაფხიზლებლად, ღვთის დამსჯელ სიმაართლეს შემაშინებელი სახელებით წარმოადგენს და ადამიანურად ღმერთს შურისმაძიებელს, ცეცხლის შთანთქმელს უწოდებს და დიდ მრისხანებასაც მიაწერს მას. ასეთი გამოხატვა დროშია ნაგულისხმევი, მაგრამ მათი აზრი მარადიულია.

ძვ. აღქმის გამოცხადება ადამიანებს უმეტესად მიწიერ წყალობასა და სასჯელს აღუთქვამდა, რადგან გრძობას დამონებულ ადამიანებს ხილული განსაცდელები უფრო აშინებენ, ვიდრე სულიერი. ახალი აღთქმის გამოცხადებამ კი ადამიანებს განსაკუთრებული, სიცხადით წარმოუჩინა მარადიულობა: სასტიკი-ცოდვილებისათვის და ნეტარი-მართალთათვის.

გონებაც კემზარტებად მიიჩნევს, რომ ღმერთს არა მხოლოდ ცოდვისა და სიქველის ბუნებრივი შედეგის გამოცდის დაშვება შეუძლია, არამედ მისთვის საკუთარი სიმაართლის მოქმედებაცაა დამახასიათებელი. უსამართლობა სხვების მიმართ ადამიანებს ახასიათებთ - ან გონების ან ნებისყოფის სისუსტის გამო. მაგრამ ღმერთში არც ერთს და არც მეორეს არ შეიძლება ადგილი ჰქონდეს; როგორც ყოვლადძლიერ გონს, მას ყველა საშუალება აქვს, საქმეების შესაბამისად მიაგოს ყველას, როცა საჭიროდ ჩათვლის.

ეკლესიის მამებმა გადაჭრეს ის გაუგებრობა, რომელიც ღვთის სიმაართესთან იყო დაკავშირებული.

როგორ შევთანხმდეთ ღმერთში ცოდვილის დამსჯელი სიმაართლე უსასრულო სიკეთესთან? - ვნოსტიკოსებსა და მანიქეველებს ეს დაუშვებლად მიაჩნდათ და ამიტომ ორი საწყისი მოიგონეს - კეთილი

ღმერთი და ბოროტი ღმერთი. საწინააღმდეგოდ მსჯელობდნენ ეკლესიის მასწავლებლები: კემზარტი ღმერთი აუცილებლად უნდა იყოს სახიერიცა და სამართლიანიც; თუ არ იქნებოდა ერთიცა და მეორეც, ან რომ ყოფილიყო სახიერი, მაგრამ არა სამართლიანი, იგი არც ღმერთი იქნებოდა, მისი სახიერება სამართლიანი სახიერებაა, რადგან უყვარს სიკეთის მყოფელი და წყალობს მახვეწარს. ასევე მისი სიმაართლე - სახიერი სიმაართლეა, რადგან სჯის ჩვენი ზნეობრივი სარგებლობისა და უმალესი სრულყოფილების მიღწევისათვის.

როგორ შევთანხმდეთ სიმაართლესთან ის, რომ აქ მართალი იტანჯებიან, ხოლო ცოდვილები ბედნიერებით ტკბებიან?

ა) ამ ქვეყნად სრულიად მართალი არავინაა. ამიტომ სამართლიანად ისჯებიან მართალიც, ისევე როგორც სამართლიანად ტკბებიან ისინი მშვიდობით;

ბ) და ცოდვილების უმეტეს ნაწილშიც ბევრია კეთილი. ამიტომ თუმცა აქ ცოდვილები სინდისისაგან იქნეჯნებიან და საკუთარი ცოდვებისაგან იღვენებიან, მაგრამ სიკეთითაც სამართლიანად სარგებლობენ.

გ) როგორც მართლებს, ისე ცოდვილებს საბოლოო სამართლიანი განსასჯელი მარადიულობაში ელოდება (2 თესკ. 1,4-10).

ნეტარება. გონებისა და ნების მოქმედებათა შეგრძნება საბოლოო ჯამში ყოველთვის მშვიდობისა და სიხარულისა შეგრძნება როდია. ღვთის ზემოქმედება კი თავის თავზე ყოველთვის ნეტარებას წარმოადგენს. ღვთის ნეტარება ღვთის ყოფიერების იმ თვითგანსაზღვრებულობას ნიშნავს, რომლითაც ღმერთი, ფლობს რა გონებისა და ნების უმალეს სრულყოფილებას, ტკბება ყველა ძალის შეთანხმებული მოქმედების შეგრძნებით, რომელიც უსრულყოფილეს სიციცხლესა და მისი ქმნილებების ნეტარების წყაროს წარმოადგენს. ღმერთი ტკბება ნეტარებით, რომელიც არავისზე და არაფერზე არაა დამოკიდებული.

ღმერთი სამკროვანია - მამა და ძე და სული წმიდა

წმ. სამების საიდუმლოს მითითებანი ძველ აღთქმაში

ძვ. აღთქმის გამოცხადებას სამართლიანად შეიძლება ეწოდოს მრავალღმერთიანობის მხილება და მოძღვრება ერთი ღმერთის რწმენის